



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ԱՐԱՔՍ ՀԱՄԱՅՆՔ

ԱՐՄԱՎԻՐԻ ՄԱՐԶԻ ԱՐԱՔՍ ՀԱՄԱՅՆՔԻ 2027-2029 ԹՎԱԿԱՆՆԵՐԻ ՄԻՋՆԱԺԱՄԿԵՏ ԾԱԽՍԵՐԻ ԾՐԱԳՐԻ ՀԱՆՐԱՅԻՆ ՔՆՆԱՐԿՄԱՆ

ԱՐՁԱՆԱԳՐՈՒԹՅՈՒՆ

23 հունիսի 2026թ.
Ժամը՝ 11:00

2026 թվականի հունիսի 23-ին ժամը 11:00-ին Արմավիրի մարզի Արաքս համայնքի Գայ գյուղի Արվեստի դպրոցի շենքում տեղի ունեցավ Արաքս համայնքի 2027-2029 թվականների միջնաժամկետ ծախսերի ծրագրերի վերաբերյալ հանրային քննարկում: Քննարկմանը մասնակցում էին համայնքապետարանի աշխատակիցները, համայնքի վարչական ղեկավարները և համայնքի բնակիչներ:

Ելույթ ունեցավ Արաքսի համայնքապետարանի ֆինանսատնտեսագիտական, եկամուտների հաշվառման և հավաքագրման բաժնի պետ՝ Ռուզաննա Թեմուրյանը:

Ռ.Թեմուրյանը ներկայացրեց –

Միջնաժամկետ ծախսերի ծրագրիը լինելով համայնքի եկամուտների ձևավորման ու ծախսերի կատարման ֆինանսական ծրագիր, ուղղված է ՏԻՄ-երին օրենքով վերապահված լիազորությունների շրջանակներում համայնքային ծրագրերի իրականացմանը:

Միջնաժամկետ ծախսերի ծրագրիը հաջորդող 3 տարիների ակնկալվող եկամուտների և առաջարկվող ծրագրերի ու միջոցառումների համապարփակ թվարկումն է ՏԻՄ-երի գործունեության յուրաքանչյուր բնագավառում: Լավագույն դեպքում, միջնաժամկետ ծախսերի ծրագրիը պոտենցիալ սպառողների միջև սահմանափակ միջնաժամկետ ծախսերի ծրագրիը միջոցների համապարփակ և հետևողական բաշխումն է: Որպես այդպիսին՝ ՏԻՄ-երի գործունեության ֆինանսական կառավարման առանցքն է, որը բերելու է համայնքի կայուն և համաչափ զարգացմանը, ինչպես նաև կընձեռնեն համայնքին առավել արդյունավետ գեներացնել եկամուտները, մասնավորապես միջնաժամկետ կտրվածքով կմշակվեն մեխանիզմներ դրանք ավելացնելու ուղղությամբ, որը իր հերթին կբերի համայնքի զարգացմանը միտված ծախսերի ավելացմանը:

«Արմավիրի մարզի Արաքս համայնքի 2027-2029 թվականների համար նախատեսված ծրագրերի իրականացումը հիմնված է համաչափ և կայուն զարգացման սկզբունքի վրա, որի նպատակային իրագործման համար առաջնահերթ են համարվելու և համայնքի զարգացման հիմնական ուղղություններն են՝

Բարելավել համայնքի ֆինանսական վիճակը՝ ճշտելով հողի հարկի և գույքահարկի բազաները և բարձրացնելով սեփական եկամուտների հավաքագրման մակարդակը:

Բարձրացնել բնակչությանը մատուցվող համայնքային ծառայությունների մակարդակը և որակը:

Բարձրացնել ՏԻ-ը բնակիչների ներգրավվածությունը՝ բնակիչների մասնակցության ձևերի ներդրման և զարգացման միջոցով,

Բարձրացնել ՏԻՄ-երի գործունեության թափանցիկության, հրապարակայնության և հաշվետվողականության մակարդակը,

Ապահովել համայնքի ջրային ռեսուրսների նպատակային և արդյունավետ կառավարումն ու օգտագործումը

Իրականացնել կրթության, մշակույթի և սպորտի բնագավառների համայնքային ենթակառուցվածքների պահպանման, շահագործման, նորոգման, ջեռուցման համակարգերի վերականգնման, գույքային վերազինման և այլ աշխատանքներ:

Կապիտալ ներդրումներ կատարել համայնքի բնակարանային-կոմունալ տնտեսության, բարեկարգման և ճանապարհային տնտեսության բնագավառներում:

Աշխուժացնել համայնքի մշակութային, մարզական և հասարակական կյանքը:

Իրականացնել սոցիալական տարաբնույթ ծրագրեր:

Նախադպրոցական հաստատությունների և դպրոցների մատչելիության և ներառականության հնարավորությունների ապահովումը

Նախադպրոցական և արտադպրոցական կազմակերպությունների հիմնանորոգումը:

Նախակրթական, կրթական, մշակութային և սպորտային օբյեկտների հիմնանորոգման աշխատանքների շարունակականության ապահովումը:

Մշակույթի ոլորտի ենթակառուցվածքների զարգացում, մշակութային ծառայություններից օգտվելու ներառականության ապահովումը:

Փողոցային լուսավորության համակարգի արդիականացումը, էներգախնայող համակարգերի ներդրումը, համակարգի անվտանգության և հուսալիության աստիճանի բարձրացումը:

Թափոնների կառավարման ժամանակակից համակարգի ստեղծման, այդ թվում՝ աղբահանության կազմակերպման և կարգավորման, նոր աղբավայրի ստեղծման ապահովումը:

Ռ. Թեմուրյանը ներկայացրեց 2027-2029թթ. եկամուտների և ծախսերի ամփոփ նկարագիրը, ըստ որի՝

1. Արաքս համայնքի 2027-2029 թվականների եկամուտները կանխատեսվում են համապատասխանաբար՝ 2958739,1 , 2981930,8 և 3010922,8հազար դրամ:

«Արմավիրի մարզի Արաքս համայնքի 2027-2029 թվականների եկամուտների կազմում՝ սեփական եկամուտների ցուցանիշը համապատասխանաբար կազմում է 573297,7, 579489,4 և 587482 հազար դրամ, և սույն դինամիկան դիտարկելիս հարկ է արձանագրել, որ աճը կանխատեսվում է 5 տարվա կտրվածքով, հաշվի առնելով նաև 2025 թվականը՝ 438539,6 հազար դրամ և 2026 թվականը՝ 509035,5 հազար դրամ:

2. Արաքս համայնքի 2027-2029 թվականների ծախսերը կանխատեսվում են համապատասխանաբար՝ 3808739,1, 3861930,8 և 3910922,8 հազար դրամ և միտված են համայնքի համաչափ և կայուն զարգացմանը: Ծախսերի քաղաքականության և նպատակներին հասնելու սկզբնաղբյուրն է հանդիսանում Արաքսի համայնքապետարանի պահպանման ծախսերի համատեքստում ստանալ այնպիսի մարդկային ռեսուրս, որը ի վիճակի կլինի համապատասխան ծառայությունները մատուցել և լուծելով համայնքի առջև դրված կայուն զարգացման պահանջը՝ մշակելով և կատարելով դրա իրագործմանն ուղղված բյուջետային ծրագրերը: Ծախսային մասը նախագծվել է հետևելով բյուջետային հաշվեկշռվածության սկզբունքին՝ ապահովելով բյուջեների կառուցման ստանդարտները:

Համայնքի զարգացման հիմնական ուղղությունները ուղղված են բնակչության կենսական շահերի ապահովմանը, շրջակա միջավայրի պահպանմանը, համայնքի հարմարավետ ու բարեկեցիկ միջավայրի ստեղծմանը, համայնքային ենթակառուցվածքների արդիականացմանն ու զարգացմանը:


Որոշում.-

Ամփոփելով հանրային քննարկումը՝ ներկայները միաձայն հավանության արժանացրին Արաքս համայնքի 2027-2029 թթ. ՄԺԾԾ -ի որոշման նախագիծը, որոշվեց այն ներկայացնել «Արմավիրի մարզի Արաքս համայնքի ավագանու հաստատմանը»:

Նախաձեռնող՝ Արաքսի համայնքապետարան

Քննարկումը վարող՝

Արձանագրող՝



Ռ.Թեմուրյան

Վ.Վարդանյան